



UNIVERSITÄTS-  
BIBLIOTHEK  
PADERBORN

# **Universitätsbibliothek Paderborn**

**Hymni Ecclesiastici Novo Cultu Adornati**

**Clairé, Martin**

**Parisiis, 1676**

In Passione Domini.

**urn:nbn:de:hbz:466:1-12077**

ECCLESIASTICI. 13

Dum, nocte pulsâ, proximis  
Dies resurgit ignibus.

En cor tibi pro victima  
Largis solutum fletibus;  
Amoris igne concrema  
Stratum tuis altaribus.

Quâ perpetratum noxiâ  
Fluxit nefas origine:  
Hinc lacrymarum copia  
Fluat salubri flumine.

Hoc dum salutis tempore  
Tecum resurgunt omnia;  
Nos innovato pectore  
Ad sancta duc solemnia.

Te, prona mundi machina,  
Clemens, adoret, Trinitas;  
Dum nostra laudum carmina  
Grates rependunt debitas. Amen.

---

IN PASSIONE DOMINI.

AD VESPERAS.

**V**EXILLA Christi regia,  
Crucis micant insignia,  
Quâ vita mortem pertulit,  
Et morte vitam protulit.

Hic vulneratum lanceâ  
Cor sancta fecit balnea,  
Fundens aquam cum sanguine,  
Ut nos lavaret crimine.

Hæc David antè senserat,  
Vatesque jam prædixerat,  
Dicendo, Rex in Gentibus  
Regnavit à ligno Deus.

Arbor salutis prospera,  
Ornata Regis purpurâ,  
Dignata, grandi munere,  
Tam sancta membra tangere.

Beata, cujus brachiis  
Pendet medela noxiis;  
Statera facta Numini,  
Pœnas adæquans crimini.

O Crux ave, spes vñica,  
Salutis ara publica;  
Dona piis constantiam,  
Lapsisque redde gratiam.

Tibi, beata Trinitas,  
Virtus, honor, felicitas;  
Da, per Crucis victoriam,  
Ejus triumphi gloriam. Amen.

622

ECCLESIASTICI. 15

AD MATUTINUM.

P L A N G E , terra , luctuosi  
Funeris spectaculum ,  
Quo Redemptor , in probro si  
Servuli piaculum ,  
Hausit orbis universi  
Expiandi poculum .

Post Adæ scelus malignum  
Indolente Numine ,  
Fit medela triste lignum  
Dulcis Agni sanguine ,  
Gratiæque juge signum  
Expiato crimine .

Hoc opus nostræ salutis  
Ordo depoposcerat ;  
Et dolos furentis hostis  
Sic Deus præverterat ;  
Ut salus foret redemptis ,  
Unde mors advenerat .

Ergo missus est ab astris  
Præstituto tempore ,  
Natus ipse , forma Patris ,  
Pro salutis pignore ;  
Virginisque ventre matris  
Tectus exit corpore .

Vagit infans inter arcta  
Conditus cunabula;  
Membra pannis involuta  
Alligat virguncula;  
Et manus pedesque stricta  
Jam coërcent vincula.

O beatæ sortis omen!  
O Dei captivitas!  
Sit tibi perenne nomen,  
O suprema Trinitas;  
Unius, trinique numen  
Laudet universitas. Amen.

## A D . L A U D E S.

J AM docendi forte functus  
Constituto tempore,  
Passioni sponte natus  
Immerenti corpore,  
Agnus in crucis levatus  
Immolatur arbore.

Pallet ecce felle potus;  
Languet ore, lumine;  
Difflitque vulneratus  
Æstuante sanguine;  
Hoc ut astra, terra, pontus  
Abluantur flumine.

ECCLESIASTICI. 17

Flecte ramos, triste lignum,  
Tensa laxa viscera;  
Nil in isto morte dignum,  
Cujus urges funera:  
Heu! benignè perfer Agnum,  
Quem verentur sidera.

Crux, Dei sedes beata,  
Digna cæli culmine,  
Ligna vincis una cuncta  
Fronde, flore, germine;  
Tota dulcis, tota sancta  
Hujus uno nomine.

Sola digna tu fuisti  
Ferre mundi gaudium,  
Morte mortem quæ necasti  
Criminis stipendum;  
Perditæque sustulisti  
Gratiæ dispendum.

O beatæ sortis omen!  
O Dei benignitas!  
Sit tibi perenne nomen,  
O suprema Trinitas:  
Unius, trinique numen  
Laudet universitas. Amen.

